

SANCTISSIMI IN CHRISTO PATRIS
ET DOMINI NOSTRI

BENEDICTI . XIII

PONT . MAX

CONSTITUTIO

De beato Francisco Borgia Societatis Jesu
Presbytero & Præposito generali III.
per Clementem X. Pont. Max.
Sanctorum Confessorum
canoni adscripto.



ROMÆ MDCCXXVI.

THE UNIVERSITY OF CHICAGO PRESS
54 EAST LAKE STREET
CHICAGO, ILL. U.S.A.

CONSTITUTION

OF THE

UNIVERSITY OF CHICAGO

The Board of Trustees of the University of Chicago
has adopted the following Constitution
for the University of Chicago
Effective July 1, 1890



Approved by the Board of Trustees
at a meeting held at Chicago, Ill.,
on the 15th day of July, 1890

BENEDICTUS

EPISCOPUS

SERVUS SERVORUM DEI

Ad perpetuam rei memoriam,



Ationi congruit & convenit æquitati, ut quæ Romanus Pontifex in plenario conventu venerabilium fratrum S. R. E. Cardinalium, Patriarcharum, Archiepiscoporum & Episcoporum, unanimi eorum consilio communicato, sanxit & definiuit, licet postea ob ejusdem Pontificis obitum literæ Apostolicæ de his conscriptæ non fuerint, suum tandem consequantur effectum,

Romana Ecclesia, cui, nullis exigentibus meritis nostris, ineffabile Dei consilium præesse nos voluit, ex veteri disciplina & constitutionibus Apostolicis, in Sanctorum canonem eos solemniter referre consuevit, qui suarum virtutum exemplo Christiani fideles ad viam salutis per majorum vestigia alacrius incurram ad accenderent; quumque multi peculiari aliquo vitæ genere ut plurimum excelluerint, unus Franciscus Borgia sæculo decimo sexto repertus est, quem in variis, multisque ordinibus constituti, ut certum salutis ducem sequi possent. Optimates enim & viri principes, qui rem publicam gerunt, in eo habent quæ sibi in omni vitæ suæ cursu imitanda proponant. Magna quoque habent qui regum gratia florentes, in summæ dignitatum fastigio positi sunt. Conjugio sociati æque, ac eodem soluti, adolescentes pariter, juvenesque. Viri item Deo dicati; cœtibus quoque religiosis præpositi. Hi ad unum omnes in Francisco tenent, quæ ubertim & tuto moribus & actibus suis exprimere possint. Etenim ille, Deo volente, singulas has personas mira vitæ sanctimoniam, comitibus miraculis, repræsentavit; unde factum, ut viri Dei virtutum & signorum constanti fama quotidie aucta, felicitatis recordationis Romani Pontifices antecessores nostri Paulus V. atque Urbanus VIII. de illo Sanctorum Confessorum canoni adnumerando consilium inierint, permoti etiam Catholicorum Regum Hispaniæ ferventibus votis, huic sanctæ Sedi Apostolicæ expositis: quod tandem memoriæ decessor noster Clemens Papa X. ad canonicos ritus, veteri traditione &

I.
Beatus Franciscus Borgia in variis vitæ statibus sanctitate excelluit,

pontificia auctoritate receptos, tota Ecclesia plaudente, complevit.

II.

Francisci ortus, p^{ar}
tria, & educatio

Inter præcipuos Hispaniarum dynastas, Gandiæ Duces, quæ est gens Borgia, numerantur. Eam multiplices dignitates claram & perælebrem reddiderunt. Clarior tamen evasit ex quo magnus Dei servus Franciscus, parentibus Johanne Gandiensem Duce III. & Johanna ex Alphonso Ferdinandi Regis Catholici filio progenita, in lucem prodiit anno Christi Domini MDX. v. Kalendas Novembres: quem diem beati Apostoli Simon & Judas martyrio nobilitarunt. Francisci locus natalis fuit Gandia, Borgia domus a vitum opidum ad oram Balearici maris in Consetanis, populis Hispaniæ Tarraconensis in dioecesi & regno, quæ a Valentia principe civitate, appellantur. Pia mater quod præfenti ope seraphici Confessoris beati Francisci vitæ discrimen in filio pariendo evasisset, Franciscum in baptisinate dici voluit; quod nomen tunc primum in domo Borgia, fausto omine futuræ ejus sanctitatis, auditum est. Patris foror, & mater, quæ erat Ferdinandi Regis catholici consobrina, inter Clarissas virgines eximia pietatis laude conspicuæ, animo adolescentis Christianæ perfectionis igniculos injecerunt: qui puerilibus annis domi traductis, & cum iisdem Dei sponsis ex prædonum manibus ereptus, apud avunculum Archiepiscopum Casaraugustanum Alphonsum Aragonium, & Catharinam Johannæ Reginæ filiam, postea Johanni III. Lusitaniæ Regi nuptam, liberaliter educatur.

III.

In aula Caroli V. Imp.
sanctæ vivit, uxorem
ducit, prolem suscipit,
& ex aspectu desun-
ctæ Isabellæ Augustæ
divina luce illustratur.

Inde in aulam Caroli V. Augusti profectus, salutis animæ suæ memorem, se undequaque immaculatum servavit, matronas officii causa nonnisi aspero cilicio præcinctus adire solitus. Caroli conjugæ Isabellæ Augustæ admittente, Eleonoræ a Castro, lætissimæ virginis Lusitanæ, de sanctioris vitæ instituto nihil unquam remittens, matrimonio sociatur. Pulchra & copiosa prole donatus ab ea, quam inierat pietatis regula animum domi forisve nunquam avertit, cælestibus meditandis diu noctuque occupatus, facraque synaxi quolibet octiduo non sine lacrymis muniri sollicitus. Sublatæ Isabellæ Augustæ Granatam funeris deducendi Francisco onus imponitur, cujus cadaveris, ut publica fide recognosceretur, nudata facies, deformitate sua tantum ei terrorem incussit, ut divina luce illustratus, de terrenis rebus, si conjugii superesset, omnino deserendis apud se constituerit, postmodum dicere solitus, mortem Augustæ sibi vitam attulisse.

IV.

Cataloniam sanctæ ad-
ministrat, deque rebus
æternæ salutis bea-
tum Ignatium consu-
lit.

Cataloniam cum imperio præfectus, eam cogitationem ardentius fovit, ibique populorum felicitati ita studuit, ut patris patriæ elogio, tanquam rei publicæ bono natus, honestari meruerit. Magnam auri vim in pauperes erogavit, pias sacrarum virginum & virorum familias eleemosynis auxit, sed eos in primis, qui ex summa fortuna ad extremam inopiam devenissent, clam aluit.

Consilium pridem animo insitum sapè recogitans, atque uni Deo meditando inherens, diluculo quinis horis de genu quoti- die orare; frequènti divinæ mensæ accubitu, jejuniis, & pœni- tentis, ubi a regiis negociis vacaret, recreari consuevit. Tunc ei beatum Ignatium, regularium presbyterorum Societatis Jesu, cui postea nomen dedit, parentem & conditorem, prima oc- casio de tantis rebus scripto consulendi, cœlitus data est.

V:

Gandensium felicitate prospicit, in societatem Jesu se rapi sensit; honores fugere maxime appetit,

Patre optimo, atque ipsa conjuge, piarum omnium exercitationum socia, orbatus, & domum redux, suorum Gandensium solatio & securitati prospexit, nosocomia instauravit, cœnobia construxit, gymnasia pro Mauris Christiane educandis erexit, sacras ædes vasis aureis argenteisque pro dignitate locupletavit; deque veteri vitæ proposito perficiendo secum animo statuens, salubria in hoc sibi consilia divinitus dari, per bonorum hominum preces flagitavit. Deus tandem servi sui votis arrisit, inque societatem Jesu se rapi sensit. Quod enim recens orta religio. & ab origine ardentior, vulgo etiam adhuc ignota esset, nullusque in ea ambitiosus hominibus dignitatum locus pateret, Francisco, summos honores fugienti, aptissima visa est. Orationi intentus hæc animo agitans, septem totos dies tiaram capiti suo imminentem aspexit, veritusque, ne Ecclesiæ dignitatem portenderet, Deum enixe obtestari non destitit, ne honores, quos fugeret, alibi offenderet. Post defunctos duos fratres suos S.R.E. Cardinales, quum eandem sacram dignitatem per antecessores nostros Romanos pontifices ultro oblatam, ab se repulisset, tiara illo Præpositi munus in sacra sua familia indicatum, postea cognovit.

VI:

Adhuc Gandiæ Dux religionis vota nuncupat; annoque Jubilei Romam petit,

Adhuc Gandiæ Dux per felicitis recordationis Paulum Papam III. decessorem nostrum, beato Ignatio deprecante, permissus est, ut paucis consciis, religiosa vota nuncuparet. Quadriennium rebus suis componendis a Pontifice præfinitum disciplinis gravioribus, sacro homine dignis, singulari modestia publice perdiscendis impendit: quo elapso, & per felicitis recordationis Julium Papam III. anno Jubilei Christianis indicto, Franciscus limina Apostolorum frequentaturus, utque Ignatii invitantis alloquiis frueretur, & Caroli V. beneficam erga se voluntatem declinaret, suis valedicens, Romam eo animo cogitavit, ut natale solum deinceps nunquam repeteret qui ad aliam patriam, cœlestem nimirum, summa contentione properaret; idque sanctè servavit, etiam sedente antecessore nostro Pio Papa V. in legatione Cardinalis Alexandrini ad Catholicum Hispaniarum Regem Philippum II. illac digressus. In sacro itinere ad Urbem, quod assidua preces divinique sermones minuebant, juxta a Romæ positus, ignorari, quam honorifice excipi, maluisset.



VII.

Roma ejus pietatem miratur. Honores metuens, inde discedit, suis se abdicat, clericum induit, & primum sacrum celebrat.

Ingentem in eo pietatem, submissumque spiritum, qui beati Ignatii complexui amplissima & magna quaque postponeret, Urbs tota suspexit. Menses quatuor lustrandis basilicis Deo sacris, omnique pietatis genere cum Ignatio Roma transfegerat, quum de se Cardinalium senatui adscribendo apud Julium agi subodoratus, eodem Ignatio auctore, pontificis oculis prope se subducens in Hispaniam reversus est, ubi Caroli V. propositum ejus laudantis, auctoritate, rebus & titulis suis Gandiensibus universis Carolo filio transcriptis, se penitus abdicavit, regularem Societatis Jesu clericum induens, & Davidicum illud latus ingeminans: *dirupisti Domine vincula mea, tibi sacrificabo hostiam laudis*. Presbyteratu initiatus, primum Deo sacrificium Loyolæ in Cantabria, Ignatii patriæ & pietati hoc tribuens, privatim obtulit, mappis Ludovicæ sororis acu pictis in ara usus. Quia vero Julius Pontifex hoc speciatim indulserat, ut quum primum publice sacris operaretur, quotquot peccatorum confessione rite expiati, ex ejus manu corpus Domini fuisse, plenariam veniam perciperent, Vergaræ opido id factum, quo tot homines, rei fama ducti, advenerunt, ut sacra æde, licet magna, nequam eos capiente, in ara sub dio excitata celebrare debuerit, tot ad sacram mensam accedentibus, ut meridiana hora, longe transferret. Postea concionem habuit, & clero ac populo suppliciter procedente, sanctissimum Eucharistiæ sacramentum gestavit.

VIII.

Magna ejus pietatis fama ubique pervagatur. Beatus Ignatius intercedit, quominus Cardinalis creetur.

Ad socios inde reversus, majori sanctitati excolendæ operam dedit, precandi studio horas octo quotidie largitus, vilissima quæque munia ultro subire non dedignatus, stipem vicam & ostiatim nudo capite & pedibus palam mendicans, & pauperibus ac nosocomiis distribuens, humi quoque, vel in tabulis cubans. Fama tantæ pietatis aulas regias pervagante, quamplurimi illum adire, deque salutis negotio consulere visi sunt. Complures pariter, summates præsertim, Francisci exemplum secuti, religiosis familiis se devoverunt. Sed Julius Pontifex & Carolus V. tantam virtutem in Cantabris delitescere indignum rati, consilium de illo inter S. R. E. Cardinales cooptando certatim, in cassum tamen, quod postea sæpenumero quoque factum, inierunt. Ignatius, qui sociis aditum ad honores legibus latis obstruxerat, Julii pedibus abvolutus, ne invito atque inscio honorem deferat, ne oblatum capere cogat; nascenti sodalitati hoc saltem benignus tribuat, libello supplicæ & lacrymis coram exorat, & permagna Francisci lætitia impetrat, qui & grati animi testes literas ad Pontificem dedit.

IX.

Munera per beatum Ignatium sibi injuncta pie init, Carolum V. decumbentem solatur, defunctum pro concione laudat, Romam advocat, ubi sit Præpositus generalis III. & a beato Pio V. cum Cardinali Alexandrino in Hispaniam ablegatur.

Non tamen illum Ignatius latere permisit. Viri enim singulari prudentia in lucrandis Deo animabus, & sanctitate perspecta, sacras conciones habiturum varias civitates & regiones adire, & multarum provinciarum, quas, licet incommoda valetudine usus, pedes

pedes obivit ; cum amplissima facultate , Commissarii generalis officio fungi , mandavit : quæ omnia magno rei Christianæ bono peracta sunt . Postquam vero Carolum V. morbo languentem , misericordiæ Dei commemoratione erexisset , & defunctum funebri sermone laudasset , suæ voluntatis , quam ratam haberi vellet , exequendæ , supremis tabulis per eum nominatus , a recolendæ memoriæ antecessore nostro Pio Papa IV. Romam advocatur , ubi Societatis Præposito generali Jacobo Laynio ad Tridentinum Concilium ire jussu , Vicarii generalis munus Francisco imponitur . Mox Jacobo ad Urbem reverso , Assistens pro Hispaniâ & Lusitania eligitur , postea Laynio e vivis sublato , iterum Vicarius generalis , & demum totius ordinis Præpositus magna suffragiorum consensione invitus renunciatur quo in munere Societatem septennio sanctissime rexit , inque obsequiis Apostolicæ Sedis vitæ cursum , quod maxime optaverat , consummavit . Pius enim Papa V. Cardinalem Alexandrinum in Hispaniam , Lusitaniam & Galliam pro re Christiana tuenda ad sacrum foedus in Turcas percutiendum mittens , consiliorum ei comitem & particeps Franciscum adjungi voluit . Et Pontifici jubenti vir pius , quamvis laboribus , asperrimis pœnitentiis , & morbis prope confectus , alacriter paruit .

X.

Romam redux plenus virtutum & meritorum pie obit, & signis claret .

Romam redux , oculis & manibus in cœlum sublatis , lætus exclamavit : *nunc dimittis servum tuum Domine !* Mox biduum a reditu longa agrotatione , multisque incommodis fractus , quæ tamen illum impedire non potuerunt , quin Romam ad supremum , & jamjam imminens mortalis vitæ suæ terminum festinaret , susceptis præsentis animo , & summa religione Ecclesiæ sacramentis , ac pontificia Gregorii XIII. felicis memoriæ antecessoris nostri benedictione munitus , plenus virtutum & meritorum inter sodalium amplexus piissimam animam cœlo reddidit anno Christi Domini MDLXXII. Kalendis Octobribus . Dei servus a beatis & spectatissimis viris Ignatio Loyola , Pio Papa V. Carolo Borromeo , Francisco Salesio , sacra Virgine Teresa a Jesu , aliisque , quamplurimi factus , magnam ubique virtutis & sanctitatis famam reliquit . Miracula etiam multa subsecuta sunt , quæ , precibus accedentibus Philippi III. Hispaniarum Regis Catholici , & Magnatum , Præfulum , atque Academiæ Hispaniæ Paulum Papam V. permoverunt , ut ob tantum Dei famulum in Sanctorum canonem referendum , summarum ejus virtutum , & eorundem miraculorum examen rite institui posse concederet : quo absoluto Urbanus VIII. eum beatorum ordini adscribendum sancivit , largitus quoque , ut de illo missa & officium omnes Societatis Jesu religiosi ubique recitare possent , ac mox ut in eorum Ecclesiis idem omnibus presbyteris agere liceret .



De Francisco in Sancto-
rum canonem referendo
consultur, decretum a Cle-
mente X. vulgatum, & rei
solemnis ceremonia
ab eodem completur.

In interim sub aliis inelyta memoria antecessoribus nostris, Innocentio X. Alexandro VII. & Clemente IX. signa post Francisci beatificationem patrata in examen ex Constitutionibus Apostolicis adducta, & undequaque probata sunt. Decretum tamen de illo in Sanctorum tabulas referendo, quod Clemens IX. morte præreptus, vulgare non potuerat, ejus successor Clemens X. rite vulgavit, exorantibus illustribus memoria Leopoldo electo Romanorum Imperatore cum conjugè Augusta, Carolo II. Hispaniarum Rege Catholico, aliisque viris principibus ecclesiasticis & secularibus. Quare idem Clemens X. gestis omnibus beati Francisci de veteri more Apostolicæ Sedis in tribus Consistoriis coram se rite discussis & comprobatis, eum statuta die in Sanctorum fastos referendum pronuntiavit. Itaque Dominica, secunda post Christi Domini Resurrectionem pridie idus Aprilis, pontificatus sui anno primo, quum in sacrosanctam Basilicam beati Petri principis Apostolorum, solemnè ritu cæremoniam peracturus, processisset, semel, iterum, & tertium iteratis ad Deum precibus in plenario conventu venerabilium Fratrum, S. R. E. Cardinalium, Patriarcharum, Archiepiscoporum & Episcoporum pro Francisco Borgia Sanctorum Confessorum canonè adscribendo, unanimitè omnium acclamatione & suffragio post sacros hymnos, precesque ad Deum pie suas, & Paracliti Spiritus gratiam enixe invocatam, ad honorem sanctæ & individuæ Trinitatis, exaltationem fidei catholicæ, Christianæque religionis amplificationem, auctoritate omnipotentis Dei, Patris, Filii & Spiritus Sancti, & beatorum Apostolorum Petri & Pauli, beatum Franciscum Borgiam, Societatis Jesu presbyterum Hispanum, de cujus sanctitate, fidei sinceritate omniumque virtutum magnitudine, ac miraculorum excellentia cumulate constiterat, una cum beatis Confessoribus non pontificibus Philippo Benitio, Cajetano Thienæo, Ludovico Bertrando & Virgine non martyre Rosa a sancta Maria sanctum Confessorem esse decrevit, Sanctorum Confessorum non pontificum canonè adscripsit, atque imposterum ab universis Christifidelibus, tanquam vere sanctum, colendum, invocandum, honorandumque statuit & definivit: ad ejus honorem sacras ædes, atque altaria, ubi ineruentum sacrificium Deo offeratur, construè dicari: quotannis quinto nonas Octobres illius memoriam, ut Sancti confessoris non pontificis, pie coli, atque officio & missa, ritu S. R. E. honorari, pronuntiavit. Ad hæc eadem sua Apostolica auctoritate universis & singulis Christifidelibus, qui dicta die ejusdem sancti Confessoris sepulcrum & corpusculum devote visitassent, annos septem & totidem quadragenas; infra vero octavam quadraginta dies de injunctis seu debitis poenitentis misericorditer relaxavit. His peractis, Deum Patrem æternum, regemque gloriæ Christum Dominum, Patris sempiternum Filium; sanctumque Paraclitum Spiritum, unum Deum atque unum Dominum, hymnis & laudibus veneratus,

9
peculiari oratione in honorem beati Francisci Borgiæ ad Deum
cantata, missam in ara maxima supra confessionem beati Pe-
tri cum ejusdem Francisci commemoratione celebravit, omni-
bus Christifidelibus tantæ ceremoniæ præsentibus, peccatorum
indulgentiam largitus.

Ne vero de hujusmodi Clementis Papæ X. decreto Apostolico, de-
finitione, sanctione, relatione, concessione, ceterisque præmissis,
proptereaquod ab eodem Clemente & ab ejus successoribus In-
nocentio XI. Alexandro VIII. Innocentio XII. Clemente XI. &
Innocentio XIII. piæ memoriæ Romanis pontificibus decessori-
bus nostris literæ decretales de more conscriptæ & promulgatæ
non fuerint, deinceps possit unquam quomodolibet hæitari,
nos, qui meritis iisdem, licet imparibus disponente Domino, in
cathedra beati Petri iisdem successimus, volumus & Apostoli-
ca auctoritate statuimus, ut decretum, sanctio, relatio, adscri-
ptio, concessio, ceteraque hætenus memorata, a jam dicta
die pridie idus Apriles anni MDCCLXXI. suum undequaque & ple-
narium consequantur effectum, ac si super illis ab eodem Clemen-
te Papa X. literæ decretales revera eadem die conscriptæ & de
more promulgatæ fuissent, ut superius enarratur.

Volumus autem, ut præsentis literæ ad probandum decretum, defi-
nitionem, sanctionem, adscriptionem, relationem, statutum, con-
cessionem, ceteraque præmissa, ubique omnino sufficiant, neque
alterius cujuscunque probationis adminiculum ad id amplius re-
quiratur. Præterea quia difficile foret, has nostras ad singula loca,
ubi opus esset, adferri, volumus, ut earumdem exempla, etiam
typis impressa, manu publici notarii subscripta, sigilloque alicujus
personæ in dignitate ecclesiastica constitutæ munita, eandem
ubique fidem obtineant, quam hæ nostræ obtinerent, sicubi eas
exhiberi vel ostendi contingeret.

Nulli ergo omnino hominum liceat hanc paginam decreti,
definitionis, sanctionis, adscriptionis, relationis, statuti, con-
cessionis infringere, aut ei temerario ausu contraire. Si quis
autem hoc attentare præsumserit, indignationem omnipotentis
Dei, ac beatorum Petri & Pauli Apostolorum ejus se noverit
incursum.

Datum Romæ apud sanctum Petrum anno incarnationis Dominicæ
millesimo septingentesimo vicesimo quarto, pridie nonas Junias,
pontificatus nostri anno primo.

XII.

Clementis X. decre-
tum de Francisco Bor-
giæ inter Sanctos rela-
tio constitutione hæc
confirmatur.

XIII.

Hæc constitutio ubi-
que fidem obtineat.

XIV.

Nemo eam infringere
audeat.

* Ego Benedictus catholicæ Ecclesiæ
Episcopus.



✠
✠ Ego Franciscus Episcopus Prænestinus Cardinalis Barberinus .

✠
✠ Ego Laurentius Episcopus Tusculanus Cardinalis Corsinus .

✠ Ego Joseph Tit. sanctæ Praxedis Presbyter Cardinalis Sacri-
pantes .

✠
✠ Ego Philippus Antonius Tit. sanctæ Cæciliæ Presbyter Cardina-
lis Gualterius .

✠
✠ Ego Ludovicus Tit. sancti Silvestri in Capite Presbyter Cardi-
nalis Picus de Miranda .

✠
✠ Ego Antonius Felix Tit. sanctæ Balbinæ Presbyter Cardinalis
Zondarius .

✠
✠ Ego Petrus Tit. sancti Joannis ante Portam Latinam Presby-
ter Cardinalis Corradinus .

✠
✠ Ego Melchior Tit. sanctæ Mariæ Angelorum Presbyter Cardi-
nalis de Polignac .

✠
✠

✠

✠

✠ Ego Bernardinus Tit. sancti Petri in Monte aureo Presbyter
Cardinalis Scottus .

✠

✠ Ego Nicolaus Tit. sanctorum Nerei & Achillei Presbyter Car-
dinalis Spinula .

✠

✠ Ego Georgius Tit. sanctæ Agnetis Presbyter Cardinalis Spi-
nula .

✠

✠ Ego Ludovicus Tit. sanctæ Priscæ Presbyter Cardinalis Belluga
& Moncada .

✠ Ego Joseph Tit. sanctæ Susannæ Presbyter Cardinalis Pereyra
de la Cerda .

✠

✠ Ego Joannes Baptista Tit. sancti Stephani in Monte Cœlio
Presbyter Cardinalis Salernus .

✠

✠ Ego Alvarus Tit. sancti Bartholomæi in Insula Presbyter Cardi-
nalis Cienfuegos .

✠

✠ Ego Joannes Baptista Tit. sancti Matthæi in Merulana Presby-
ter Cardinalis de Alteriis .

✠ Ego Vincentius Tit. sancti Onuphrii Presbyter Cardinalis
Petra .

✠ Ego Prosper Tit. sancti Chryfogoni Presbyter Cardinalis Ma-
refuscus .

✠

✠ Ego Nicolaus Tit. sanctæ Mariæ in Domnica Presbyter Cardi-
lis Cofcia .

✠

✠

✠ Ego Benedictus sanctæ Mariæ in Via lata Diaconus Cardinalis
Pamphilius .

✠ Ego Joseph Renuatus sancti Georgii in Velabro Diaconus Car-
dinalis Imperialis .

✠ Ego Laurentius sanctæ Agathæ ad Montes Diaconus Cardinalis
de Alteriis .

✠ Ego Carolus sancti Angeli in Foro Piscium Diaconus Cardinalis
Columna .

- ✠ Ego Curtius sancti Eustachii Diaconus Cardinalis Origus .
 ✠ Ego Fabius sanctorum Viti & Modesti Diaconus Cardinalis
 de Abbatibus Oliverius .
 ✠ Ego Carolus sanctæ Mariæ in Aquiro Diaconus Cardinalis de
 Marinis .
 ✠ Ego Julius sancti Hadriani Diaconus Cardinalis Alberonus .
 ✠ Ego Alexander sanctæ Mariæ in Cosmedin Diaconus Cardinalis
 Albanus .
 ✠ Ego Nicolaus sanctæ Mariæ de Rotunda Diaconus Cardinalis
 Judice ,

✠
 ✠
 ✠
 ✠

P.Card.Prodatarius. F.Card.Oliverius.

V I S A

De Curiâ J. Archiepiscopus Ancyranus .

L. Martinettus .

Registrata in Secretaria Brevium .